

11 Aug 1772

DECLARATIO SACRÆ FACULTATIS THEOLOGICÆ PARISIENSIS,

Circà Scriptum cui titulus: *Déclaration de la Doctrine de la Sorbonne, sur l'Institution & la Jurisdiction des Curés, contre les Assertions du Syndic du Chapitre de Cahors.*

Hoc ipsum præsertim ædificationis genus est, nempe impedimenta de medio tollere, & quæ corrupta sunt refutare, & vera compingere. *S. Chryf. in Epist. 2^a ad Corinth. Cap. X, Hom. 22.*



PARISIIS,
TYPIS MICHAELIS LAMBERT,
viâ Cithareâ.

M. DCC. LXXII.

THE UNIVERSITY OF CHICAGO

LIBRARY

OF THE

PHYSICAL SCIENCES

AND

ENGINEERING

DEPARTMENT

OF

PHYSICS

AND

ASTRONOMY

AND

GEOPHYSICS

AND


METEOROLOGY

AND

CLIMATE

AND

ENVIRONMENTAL SCIENCE



DECLARATIO

SACRÆ FACULTATIS

THEOLOGICÆ PARISIENSIS;

Circà Scriptum cui titulus : Déclaration de la Doctrine de la Sorbonne, sur l'Institution & la Jurisdiction des Curés, contre les Assertions du Syndic du Chapitre de Cahors.

THEOLOGIS Parisiensibus nihil improvisum magis graviusque accidere poterat, quàm ut illorum de Parochorum potestatis origine Doctrina pessimam in partem raperetur, atque in detrimentum Ecclesiasticæ Hierarchiæ cujus potissimum assertrix est Sacra Facultas, ipso Facultatis ejusdem nomine & quasi consilio converteretur. Hæc iniqua

tamen rerum conditio ad celebratissimæ Scholæ Magistros, præter opinionem omnem causamque probabilem, nuperrimè devenit. In publicum scilicet, infaustis ominibus, Scriptum recens prodiit gallico sermone compositum, typis editum Villæ-Francæ apud *Veideilhié*, 1772, hoc insigne titulo : * *Déclaration de la Doctrine de la Sorbonne, sur l'Institution & la Jurisdiction des Curés, contre les Affertions du Syndic du Chapitre de Cahors*. Scripto illi magnarum in Cadurcensi Diœcesi, dolente vehementer illustrissimo Episcopo, barbarum fermenti, subjecta nomina leguntur Domini Decani & alterius è Magistris sacrae Facultatis.

Quisquis equidem vel paululum mentem attenderit, perfacile deprehendet, tali subscriptione nullum aliud isti *Consultationi* posse pondus adjici, nisi quod præ se ferat privata horum Doctorum autoritas, eorumque solertia in documentis Scholæ suæ dispiciendis, & fides in exhibendis. De ipsa verò Sacrae Facultatis Doctrina nemo sibi certiore ex eo conjecturam meritò fecerit, quàm, de legum forique placitis, ex singulari unius aut alterius Jurisconsulti responso.

Sed cum ea sit non paucorum indoles, ut ad minimam interdum speciem judicium componant, & quæ sibi suffragari, suisque inservire putant utilitatibus, eorum sibi primum persuasionem, deindè cæteris quoque, modis omnibus inducant : Statuit Sacra Facultas absque mora occurrendum esse, ne rumores absurdi, qui de prædicta *Consultatione*, tanquam suâ, apud Cadurcenses, jactati sunt, pergant ulterius latiusque disseminari.

Neque verò tantummodò interest, ut indignas à se suspi-

* In privatis DD. à sacra Facultate Deputatorum Comitibus declararunt D. Decanus & alter Magister, non suâ, sed alienâ manu præfixum fuisse Consultationi suæ hunc titulum.

ciones erroris longè propulset : à quibus ipsam tot illibata seculis fama defendere valeat ; verùm etiam prospicere debet ne ulla radix amaritudinis , visa è sinu suo germinare , indoctis & instabilibus impedimento sit , multique per noxiam illius contagionem inquinentur.

Hebræor. XII, 15

Quorum assequendorum optimam iniri viam existimavit , si particularim mentem suam aperiat de singulis Capitibus , in quibus præcipuè peccavit *Consultatio* , variaque ejus errata , ex adversa quasi fronte , in aspectum proferat. Sic etenim futurum videtur , ut innotescat apertius , quantum à genuina Sacre Facultatis Doctrina *Consultatio* discedat ; nec posse quod uni deterrimæ labis inhærescit , ad alteram communio- nis alicujus propinquitate diffundi.

Priusquàm verò hæc aggredi incipiat , unum est in ipso *Consultationis* exorsu , non sine quodam probro in Sacram Facultatem , assertum , quod oportet justâ reprehensione dis- tringere : Ab usitata scilicet Doctorum Parisiensium consue- tudine id alienum esse dicitur , ut ad interrogata de rebus Dogmaticis perindè *Consultationes* edant , ac de Moralibus. Cui sanè commento , quisquis Dogmatica ab iis exquisivit , non mediocriter protinus adstupescet : cunctis autem , ut cæ- tera sileantur , manifestam ejus dicti falsitatem faciunt no- tissima opera Magistrorum de Sainte Beuve , Delamet , Fro- mageau , &c. utroque Responsorum genere referta , vel in hac ipsa de qua agitur parte Doctrinæ ; quæque Moralibus idcirco magis abundavêre , quòd proponi quæstiones de Con- scientia soleant , quàm de Fide multò numerosiores.

Vid. Ste Beuve
Tom. 1. pag. 51,
55, 450, Tom. 3
pag. 103, 104,
&c. Fromageau
Tom. 1. Diction.
p. 1149. Lamer
ejusd. T. p. 1464
& p. 855, &c.

Jam ut illud agatur quod maximè rem causamque conti- net , de qua , solius habito *Consultationis* respectu , hîc omne judicium feretur.

DECLARAT Sacra Facultas I^o. Ementitam fieri Doctrinæ suæ expositionem , in eo *Consultationis* loco , ubi de divina

institutione Curatorum injecta mentio est, verbis sequentibus, quibus ad articulorum Fidei professionem vix significantiora supersunt : *La Faculté de Théologie CROIT ET ENSEIGNE que les Curés sont d'Institution divine, qu'ils sont les Successeurs des 72 Disciples, que les Evêques, EN LES ORDONNANT, ET EN LEUR CONFÉRANT LES CURES, ne leur donnent pas le pouvoir intrinsèque d'exercer le Ministère, mais leur appliquent seulement le droit d'exercer le pouvoir & la juridiction des 72 Disciples : de la même manière qu'un Evêque qui en consacre un autre, ne lui DONNE pas le pouvoir & la juridiction Episcopale, & lui ATTRIBUE uniquement L'AUTORITÉ DANS LAQUELLE IL SUCCÈDE AUX APÔTRES, &c.*

Vid. Cens. Sac.
Facul. contra Ver-
nantium pag. 142
& 176.

* Gerfo de stat.
Curat. consult. 2.
in Cens. contr.
Vern. pag. 198.

Defens. Declar.
Cleri Gallic. part.
III, libr. VII, cap.
14.

Venerandum quidem Parochorum ordinem esse de JURE DIVINO & immediatè à Deo institutum tenet Sacra Parisiensis Facultas. * *Statum hunc ad essentialem & intrinsecam Ecclesiæ Hierarchiam pertinere constanti Majorum suorum traditione didicit. Eum ad Christiani gregis custodiam, ex inviolabili Dei ordinatione, in Ecclesia censet esse necessarium, ut secundo loco sub Episcopis, salvâ horum cum in Parochos, cum in plebem subditam immediatâ autoritate, secundùm Canones & Episcoporum juxta præscripta, spirituales jurisdictionem exerceat; quam, ipso authore Christo, Sacerdotes consequuntur, sed quæ nullum, citrà subditorum legitimam designationem, sortiatur effectum.*

Vid. Cens. contr.
F. Sarazinum an-
no 1429.

Vid. Cens. contra
Vern. pag. 218 &
219.

Huic doctrinæ certissimis Scripturarum Traditionisque monumentis firmatæ contrariam opinionem non semel confixit Sacra Facultas; illamque speciatim sententiam quæ ab Episcopo duntaxat oriri potestatem Curatorum, reluctantè jure Communi, ipsoque ordine divinitus instituto, asserabat, *scandalosam, in Fide erroneam, & Hierarchiæ destructivam* iterato judicio Sacra Facultas pronuntiavit: Immodicos dissidentium abusus, molitionesque acerrimâ Censurâ com-

primens; Amplitudinem fontemque Jurisdictionis Episcopalis firmiter præmunens, ipsâ Parochialis jurisdictionis tutione; Ecclesiæ hostibus occasionem præripiens Hierarchicæ compa-
ginis, indefensâ vel protritâ ejus aliquâ parte, audentius impugnandæ; Rata etiam tunc verissimè Majores Ecclesiæ Prælatos honorari, cum singulis quibusque Sacerdotibus, licet in inferiore gradu positis, *honor debitus*, & pretiosa divini particula muneris *non negatur*.

S. Greg. magn.
lib. VIII, Epistol.
30 ad Eulog.
Alexand.

Sed numquàm commisit Sacra Facultas, ut id, quod ait *Consultatio*, pariter assereret: *Ab Episcopis nempe non dari Curatis potestatem internam exercendi ministerii, cum eos ordinant & Parœcias illis conferunt: sed tantummodò jus ipsis applicari exercendæ potestatis & jurisdictionis* 72. *Discipulorum. Quemadmodum Episcopo, dum consecratur, non datur potestas & jurisdictio Episcopalis; sed attribuitur duntaxat auctoritas in qua succedit Apostolis, &c.* Quæ quidem perplexa plenaque captionum verba multæ pravitatis vitiis penitus imbuuntur.

Quis enim verò ad *fidelem, qui secundum doctrinam est, sermonem* attentus, non molestè & graviter audiat istud *Consultationis* pronuntiatum: *Episcopi cum Parochos ordinant non dant illis internam potestatem exercendi ministerii?* Nam licet *Consultatio* minimè negaverit hanc potestatem à Christo tribui, dum Ordinationis ritus peragitur, prout ipsam expressè negavit dari ab Episcopis Sacramentum Ordinis administrantibus: non idcirco tamen relata modò verba vituperatione quâlibet exsolvuntur. Debuit quippe *Consultatio* luculentis firmare vocibus, nedùm impeteret contrariis, id quod vel ipsa tradunt Theologiæ sanioris elementa: videlicet quidquid est internæ potestatis annexum Sacerdotali muneri, *dari ab Episcopo* qui Sacram Ordinationem perficit, non ut ab Authore quidem hujus potestatis: sed tanquam à Ministro personam Christi, principaliter agentis, sustinente.

Epist. ad Tit.
cap. I. v. 2.

Quis etiam studiosus in veritatem doctrinæ Theologus non offendatur hâc alterâ consultationis sententiâ : *Episcopi cum Parochos ordinant , & Parœcias illis conferunt jus iisdem applicant exercendæ potestatis & jurisdictionis 72 Discipulorum ?* Nihil enim aliud suadet his verbis *Consultatio* , nisi illud ipsum in quod tota postmodum insistit : Parochos scilicet in Ordinatione Sacerdotali , *præter potestatem internam* immediatè à Christo collatam , *jus* insuper aliquod adipisci *exercendæ potestatis & jurisdictionis 72 Discipulis* attributæ.

Eam ob rem duos Episcoporum longè dispares actus simul memorat ac propè intermiscet *Consultatio* : actum nempe ordinandi Parochos & actum Parœcias conferendi : post horum verò conjunctam mentionem continuò subjicit : ab Episcopis (hos actus geminos exequentibus) *applicationem fieri prædicti jurisdictionis exercendæ juris*. Talis enim structura seriesque sermonis per se innuit ad hanc *applicationem* suo modo concurrere , tum sacram Ordinationem Parochorum , tum collationem Parœciarum.

Ex dicendis autem , Artículo hujus declarationis quinto , patebit quo pacto hic actus uterque , ordinandi scilicet Parochos , & Parœcias conferendi , secundum *Consultationis* doctrinam suâ quisque ratione conducatur , ad applicandum jus exercendæ potestatis & jurisdictionis 72 Discipulorum. Ab actu priore , id est , ab Ordinatione Sacerdotali , cujus simplices quilibet Presbyteri æquè participes sunt , jus nascitur exercitii *validi* : ab altero , nempe collatione Parœciarum , jus exercitii *liberi* ; si *Consultationi* , se ipsam infra clarius exponenti , fides adjungatur.

At verò hunc sentiendi modum , recentibus quibusdam scriptoribus probatum , averfatur prorsus & refugit Sacra Facultas. Jus nimirum exercendæ jurisdictionis , *adjectum internæ*

internæ Sacerdotii potestati, cum pendeat ex subditorum, secundum dispensationis ministerialis Leges, designatione : haudquaquam tale esse judicat Sacra Facultas ut, vi ipsius ordinationis, Sacerdoti cuiquam acquiratur. Idcò sequentem Propositionem isti assertioni cognatam publicâ condemnatione anno 1735, proscripsit.

PROPOSITIO.

1^o. Les Prêtres reçoivent en même tems, (lorsqu'ils sont ordonnés) la mission de leur Evêque, ou au moins sa permission.... & par là ils deviennent capables, lors qu'ils en sont requis par les Pasteurs ordinaires des Paroisses, ou que quelque Penitent aura des raisons de droit pour se soumettre à eux, d'exercer le pouvoir complet d'absoudre & de juger, qu'ils ont reçu lorsqu'ils ont été ordonnés.

CENSURA.

Hæc propositio falsa est, & quatenus asserit præter potestatem in Ordinatione acceptam nihil aliud requiri in Sacerdote ad verè absolvendum, quàm ut vocetur à Parocho, aut voluntariè se subjiciat pœnitens, est erronea, & viam invalidis absolutionibus aperit.

Cæterum in præsentî negotio à *forma sanorum verborum* tantoperè deerrat *Consultatio* ut ipsa sibi discrepare, & pugnantia loqui manifestè videatur. Nam postquam negavit per Episcopum consecratorem DARI consecrato potestatem ET JURISDICTIONEM EPISCOPALEM, nihilominus subindè fatetur huic per illum ATTRIBUI AUTHORITYTEM IN QUA SUCCEDIT APOSTOLIS. Ceu verò discrimen aliquod intercedat JURISDICTIONEM inter EPISCOPALEM, & *authoritatem in quâ Apostolis* Episcopi succedunt! vel DANDI & ATTRI-

2 ad Timoth.
1. 13.

BUENDI, vocibus hîc adhibitis, quidpiam verè diversum possit intelligi!

Defens. decl.
Cler. gallic. part.
III, &c.

Talibus verborum ambagibus odiosè deformatur Sacrae Facultatis doctrina. Non istis illa se laqueis implicat; sed quod rectè sentit, simpliciter eloquitur: *omnino à Christo esse id quod ad primariam Curatorum potestatis institutionem attingit: non autem quod ad illius limitationem & dispensationem ministerialem pertinet, vel ad eum ritum quo Curati nunc sunt in Paroecias distributi.*

II^o. DECLARAT Sacra Facultas infidam rursum faventemque damnatis erroribus imaginem Doctrinae suae exprimi in hoc Consultationis loco: *La Faculté de Théologie & le Clergé de France croient encore que les Curés doivent exercer leur ministère sous l'INSPECTION des Evêques, Supérieurs immédiats des Curés & des peuples, qui doivent néanmoins les DIRIGER, conformément aux Saints Canons & aux règles certaines des Eglises Nationales où les Paroisses se trouvent situées, &c.*

S. Hieron. dialog. contra Lucifer.

Sacrae Facultati Parisiensi, ab incunabulis insita penitus ac propè congenita est summa erga Episcoporum Ordinem observantia. Novit illa pendere Ecclesiae salutem in eorum dignitate, totque brevè futura esse schismata, quot Sacerdotes: nisi Episcoporum exsors quaedam & eminens potestas ab hominibus admittatur.

Defens. declar.
Cleri. Gallic. Part.
III. Lib. VIII. Cap.
14.

Conc. Constant.
Tom. 12. Conc.
edit. Labb. p. 270.
Conc. Trid. Sess.
XIV. Can. XI.

Neque profectò passa est unquam Sacra Facultas Curatorum potestatem Christo sic acceptam referri, ut eadem vi. & auctoritate, ac Episcopalis potestas, ex eo fonte promanaret: ut illa obsequii necessitatem, obtentu divinae originis, dedignaretur: ut in *solvendo & ligando* tanquam *aequalem* Episcopali se gereret: aut huic, in animarum regimine, *quoad externam solum politiâ* subesse existimaretur. Istud opinionis genus iis errorum flagitiis Facultas annumerat, quibus in solas Heterodoxorum scholas potest aditus aperiri. Inter prima

verò, ipsa sibi semper injunxit, ut Curatos eodem divino jure subditos Episcopis disertè renuntiaret, quo docet institutos.

Ac hunc saluberrimæ doctrinæ complexum mirum est quantum depravent, vel etiam convellant, relata *Consultationis* verba. Suis videntur esse librata ponderibus, ne plus Episcopali potestati fermè tribuant, quàm quod ad fucum faciendum opus sit. Affirmat quidem *Consultatio Curatos & populos* immediatè subdi Episcoporum authoritati; sed altum filet de *Jure Divino*, cui antecellentem Episcopalis potestatis prærogativam, tanquàm principio, religiosissimè Facultas adscribit. Curatos Legibus Episcoporum, inter exercendum ministerium, verba *Consultationis* obstringunt; sed eas Leges INSPECTANDI tantum ac DIRIGENDI circumscriptione mentiuntur.

Ita ne verò audere quisquam possit, ut has ad metas Episcopalia jura hædere præcipiat! ut non permittat Episcopis in ullo officii Pastoralis exercitio, non in ipsa quidem Pœnitentiæ administratione, aliter sibi Curatos obnoxios habere, quàm si solam in illos potestatem obtinerent, sive explorandi quid agant, sive designandi quid agere debeant.

His quàm plurimæ reclamant Sacræ Facultatis Determinationes, quæ superiorem Episcoporum potestatem, non ad hoc unum valere decernunt, ut *inspiciant* Episcopi, *dirigant*, *prohibeant*; (cujus alterius vocis extrema ferè *Consultationis* verba meminerunt) sed profitetur posse etiam Episcopos jurisdictionem Curatorum ad peculiare quosdam casus & actus invalidam reddere, ac, pro rerum adjunctis, usum illius in irritum sicut & in vetitum deducere, salvis tamen Ecclesiæ sanctionibus & regulis. Id causæ fuit cur anno 1735, propositioni sequenti censoriam notam inusserit sacra Facultas, vestigia sedulò persequens Patrum Tridentinorum, qui, non habito Curatos inter & alios Presbyteros discrimine,

Conc. Trid. Sess. XIV, cap. VII & can. XI. generatim docuerunt, licere Episcopis, in sua cuique Diœcesi, reservare sibi casus, pro sua in reliquos inferiores Sacerdotes autoritate.

P R O P O S I T I O.

13. *L'absolution donnée dans un tel cas, (le cas de réserve) est-elle valide ? Le Concile (de Trente) n'a rien prononcé dans cette question.*

C E N S U R A.

Hæc propositio falsa est, & hæresi à S. Synodo Tridentina damnatæ favens.

III. DECLARAT Sacra Facultas Gallicanarum libertatum notionem perversam, & à mente sua procul abhorrentem, obtrudi his Consultationis verbis : *Les sentimens de la Faculté de Théologie & du Clergé de France, tels que nous venons de les exposer, font partie des maximes du Royaume, & des libertés de l'Eglise Gallicane, qui consistent à n'admettre que ce qui est conforme à l'Ecriture & à la Tradition, que ce qui a été ENSEIGNÉ & PRATiqué dans les premiers siècles de l'Eglise.*

De libertatumstrarum natura egregius illarum vindex audiatur Bossuetius, in ipso differens opere quo earundem firmissima fundamenta posuit.

Defens. declar. Cler. gallic. part. III, cap. 14. *Cum vetusta laudamus, inquit, atque in iis arcem nostræ disciplinæ libertatisque collocamus, non propterea contendimus immutabilem esse Ecclesiæ disciplinam. Agnoscimus enim à Patribus nostris in Concilio secundo Vasensi commendatos non tantum ANTIQUOS, sed ETIAM NOVELLOS CANONES. Hos meritiò laudat Agobardus, factos videlicet pro causis necessariis, &c.*

Et Libri ejusdem Cap. 15, in eundem sensum eruditissimus Præsul hæc adjicit : *Summa ergo sit nostræ libertatis, sic NOVELLA JURA PIA AUT NECESSARIA INSTITUTIONE STABI-*

LITA SERVARE, ut antiquiora respicere, iisque sustentare labentem disciplinam. . . . studeamus.

Quidnam vel ex industria, magis invitâ & adversante *Consultatione* possit enuntiari? Fingit *Consultatio* nostris dissonum esse libertatibus quidquid prioribus Ecclesiæ seculis factitatum non est. At verò tradit disertissimè Bossuetius interdum apud nos novella jura piâ necessariâve institutione stabiliri. Utri fides sit habenda, *Consultationi* an Bossuetio, quis in dubium vocaverit?

Innumera hûc adduci possent aliorum Ecclesiæ Gallicanæ Luminum testimonia. Sed in re comperta Authorum cæterorum instar sit Illustrissimus D. D. de Marca lib. III, de *Concordia Sacerdotii & Imperii*, Cap. 6, n. 5: *Libertatem*, inquit, *in recto antiqui & novi juris usu constituimus. Necessariasque nostro seculo Decretalium definitiones quæ novis negotiis prospexerunt, non absque manifesta ratione existimamus. Non alia mens est aut B. Ludovici, aut Caroli VI, & totius Ecclesiæ Gallicanæ, cum libertatem Ecclesiæ in jure Communi versari contendunt.*

Et Gallorum quidem disciplinam quisquis vel leviter attigit, ad servandos sanè, quantum licet, antiquos usus, eam semper intentam suspexit: varios tamen quandoque mores vidit induentem: in abrogato, v. g. Pœnitentiæ publicæ ritu, in vetita Laicis communione sub utraque specie, in consuetudine ordinandorum sub titulo patrimonii Sacerdotum: ut etiam ex *Consultatione*, in se ipsam illidente, exemplum istud depromatur.

Quid quòd libertates nostras in eo quoque *Consultatio* perperam reponit, ut *illa tantum admittamus, quorum data sunt primis Ecclesiæ seculis documenta*. Ea quidem studiosè retinemus, quæ primorum temporum totiusque mundi reverentiâ consecrantur, quæ in regno & Ecclesia Gallicana recepta sunt, quæ Sedis Apostolicæ & Ecclesiarum consensione firmata. Sed

Vid. def. declar.
Cleri Gall. part.
III, Libr. XI,
Cap. 21.

id sibi juris Galli nunquàm assumpserunt, ut sola veteris Ecclesiæ documenta reciperent; ut illa respuerent quæ, processu temporis, adversus emergentes hæreses Ecclesia definivit. Libertates Gallicanas hunc in modum explicare, quid aliud est, quàm eas legibus plerisque & decretis Ecclesiasticis inimicas iniquissimâ criminatione effutire. Cujus rei culpa in ipsis quidem *Consultationis* verbis residet: sed absit tamen ut hanc in Doctoris cujusquam Catholici mentem inclinemus.

Jam verò tali Scripto, ad definitionem ipsam Libertatum nostrarum, velut ad scopulum, impingenti, quid fidei reliquum esse debet, dum alias Doctrinæ Facultatis partes enarrat?

Quòd si *Consultatio* tantâ falsitate se implicuerit in rebus, si ita loqui fas est, domesticis; ab ea nemo prudenter expectabit emendatiora de externis.

Ad invidiam profectò & offensionem magnæ parti Ultramontanorum hodiernorum affingit *Consultatio* sequentem opinionem, quæ paucissimorum est, nec præcipuæ inter illos notæ: scilicet *non habere Curatos nisi eam potestatem quam Episcopis placuerit illis impertiri*. Tametsi Theologi quibus Ultramontanis nomen est, unanimi ferè consensione doceant, ordinariam esse, non delegatam, Curatorum Jurisdictionem; ac propterea ipsam *non posse, etiam si ab Episcopo pendeat, ipsique subjaceat, sine legitima causa, aut prorsus auferri, aut adeò imminui, ut ferè inanis remaneat*, quod in primis admonet Summus Pontifex Benedictus XIV, de Synodo Diocesana Libr. V, Cap. 4.

IV DECLARAT Sacra Facultas adulterinam hanc doctrinæ farraginem, permultis huc usque nominibus à se reprobata, statui Presbyterorum qui Ecclesiæ primâ

ætate extiterunt, temerè accomodari per hæc Consultationis verba : *Nous estimons que ce qui est porté dans la doctrine de la Faculté & de l'Eglise Gallicane sur les Curés actuels, s'entendoit, au tems de l'Eglise naissante, de tous les Prêtres en général, qui ont dans leur caractère sacerdotal le principe de la juridiction des 72 Disciples, La raison en est que la division des Evêchés & des Paroisses n'étoit pas encore établie, les Evêques & les Curés n'avoient pas encore de territoire circonscrit ; & quoiqu'ils eussent leur résidence ordinaire dans quelque ville, ou autre lieu quelconque, ils pouvoient & devoient aller exercer leur ministère par tout où ils étoient APPELÉS pour la propagation de la Foi, & les besoins spirituels des Fidèles.*

Planum est cum hodiernis Curatis illos primæ ætatis Sacerdotes hîc idcirco conferri, quòd causæ Consultationis valdè sit opportunum, si dicatur, Ecclesiæ nascentis temporibus, singulis Presbyteris convenisse jurisdictionem Curatorum propriam: discrepante tamen ejus exercendæ modo, ob territorii limitationem in Ecclesia nondùm usitatam. Quæ quidem in se probari digna sint, nedùm arguenda vitii, si tantùm eò referrentur ut neminem tunc fuisse dicerent initiatum Sacerdotio, qui non ad concreditam sibi à Majoribus Prælati animarum curam simul assumeretur.

Sed rem longè diversam movet Consultatio, neque talia dum præmittit, intempestivæ eruditioni venditandæ duntaxat indulget : quod inivit à principio propositum premit : pergit scilicet inculcare errorem suum de ingenerata Sacerdotio vi jurisdictionis tanta, ut per se *VALIDE* obeundo Curatorum¹, ligandi etiam ac solvendi, ministerio, ex omni parte sufficiat. Quod si semel statuatur, jam nativa Sacerdotii jurisdictio suaptè immunis erit ab irritante quâlibet autoritate, etsi non soluta tamen à prohibente.

Ad hujus doctrinæ præsidium, prædictos Ecclesiæ nascentis Sacerdotes in exemplum accivit *Consultatio*. Ut ipsos, vi solius Ordinationis, jurisdictione omninò sufficienti præditos adstrueret, de illorum missione ab Episcopo planè sinit.

Hac de causa ipsos exhibuit ultrò citròque commeantes, exercendi ministerii gratiâ : ad quod officium satis habuit eos dicere *VOCATOS*; verbo sanè insigniter ancipiti, nec præter invitationem populorum, aliud quidquam, quod eò loci liqueat, exprimente.

Eundem ad finem, indeterminatâ loquendi ratione affirmavit inesse characteri Sacerdotali principium jurisdictionis 72. Discipulorum : ac postmodum eam potestatem, quam Sacerdos ministerio defungens exercet, nuncupavit *potestatem & jurisdictionem ordinis* : quin simul exemplo eorum è Schola Theologorum, qui collationem jurisdictionis in Ordinem refundunt, præmoneret, ipsam, donec accedat subditorum idonea designatio, completam ad summum censi posse *ex parte principii*, ut aiunt; sed nondum completam *ex parte termini*, nec validorum actuum capacem.

Eodem consilio solum adhibuit *prohibitionis* vocabulum, nequaquam verò *vis ullius irritantis* meminit, quâ Jurisdictionis istius exercendæ facultas in iis Sacerdotibus impedita conciperetur, quibus animarum cura, propter invecctam Parœciarum divisionem, jam non incumbit.

Tumque convenientissimâ opinionibus illis locutione paulò post subjunxit, iisdem Sacerdotibus, cum territorialis alicujus authoritatis participes fiunt, *LIBERTATEM reddi exercendæ Potestatis & Jurisdictionis sui Ordinis*. Quibus enim nihil præter *LIBERTATEM* tunc reddi docet *Consultatio* hos
fane

sanè non ad aliorum quàm ad *liberorum actuum* speciem prius inhabiles esse significat.

Quid plura? Tam opportuno, atque erroribus concinente verborum genere series universa *Consultationis* exurgit : ut vix aptior sermo posset illis suppeterè, qui meditarentur per cuniculos veritatem adoriri, quàm nollent apertâ vi professisque odiis impugnare.

Quantùm abfuisset ut hâc opinionum pernicië *Consultatio* inficeretur, si quid ipsa curasset melioris succi trahere ex Doctrina Sacræ Facultatis, anno 1735, consignata Censuris in Propositiones sequentes, à quibus non satis recedit prædicta *Consultatio*.

P R O P O S I T I O.

5. Tous les Prêtres donc, les Pasteurs, & ceux qui ne le sont pas, sont unis dans le pouvoir de lier & de délier; & par l'institution de Jésus-Christ tous ont des sujets. Ces sujets sont le monde Chrétien.

C E N S U R A.

Hæc propositio, quæ asserit omnibus Sacerdotibus ex Institutione Christi attributos esse subditos, in quos ligandi & solvendi potestatem in Ordinatione acceptam exerceant, independentè ab Episcopi Missione, hosque subditos esse orbem Christianum, falsa est, Ecclesiasticæ Hierarchiæ destructiva & erronea.

P R O P O S I T I O.

8. Les Prêtres confessoient, dans les premiers siècles de l'Eglise, sans la permission des Evêques & des Curés.

9. Onze siècles s'étoient écoulés depuis la naissance de Jésus-Christ. Dans une si longue suite de siècles, on n'avoit point entendu parler, ou que fort peu, qu'il fallut autre chose

que la qualité de Prêtre pour confesser & donner des absolutions valides & licites à des pécheurs secrets.

C E N S U R A.

Hæ propositiones falsæ sunt & ex ignorantia constantis Ecclesiæ praxis temerè assertæ.

V. DECLARAT Sacra Facultas, in cumulum quoque noxiorum Consultationis dictorum hoc accedere quod ad ejus calcem legitur : Ces Prêtres, (qui ne sont attachés à aucune Paroisse particulière) sont demeurés dans la prohibition d'exercer le Saint Ministère, (excepté le cas d'une extrême nécessité) & sont restés comme des Prêtres auxiliaires & de réserve, pour être employés, lorsque les Evêques ou les Curés en titre leur rendent la liberté d'exercer le pouvoir & la juridiction de leur Ordre, en leur communiquant quelque portion de leur autorité territoriale.

Iis itaque Sacerdotibus speciali Parœciæ, ut loquitur Consultatio, non addictis, perviam illa januam duplicem referat, ad potestatem & jurisdictionem Ordinis sui liberè exercendas : scilicet vel datam ab Episcopis, vel datam à Parœciarum Rectoribus, partem aliquam territorialis suæ authoritatis.

Nulla autem de re, de nullo potestatis objecto, de nulla demùm jurisdictionis specie advertit Consultatio summoperè interesse quid ab Episcopis, & quid à Parochis accipiatur : qualium quantarumque rerum, ab his, aut ab illis, detur copia : nulli-ne intercedant ex jure potestatis superioris obices : an solus parochorum consensus ad absolvendum in Pœnitentiæ tribunali, an ad aliud duntaxat ministerium exercendum sufficiens sit.

Isthæc omnia per nebulam videnda dimittit Consultatio, ipsaque, cui verba non defuerunt in juribus Sacerdotum, sive

primæ, sive recentioris ætatis, suo modulo edisserendis : ipsa in præsentî taciturna est ; ubi tamén gravissimorum & optimorum verborum flumen exundare debuerat, tum, ut quæcumque possent Episcopatûs jura lædere, repellerentur : tum ut non mitteretur in discrimen, ex præcipiti jurisdictionis licentiùs invadendæ fiducia, validitas Absolutionum Sacramentalium, aliorumve actuum in jurisdictionis potestatem innixorum, atque ipsa demùm salus animarum periclitaretur.

Maximam igitur, cum maximo periculo offensionem habet ille *Consultationis* locus, qui *uirivis*, Episcopo scilicet vel Curato, proprium esse dicit universè, ut aliquâ territorialis suæ autoritatis parte concessâ *subsidiariis Sacerdotibus reddat libertatem exercendæ potestatis & jurisdictionis sui ordinis.*

Cui propositioni ex se ipsa in ingentem, reprehensionem incurrenti, novum scandali & suspicionis malum ex variis rerum adjunctis accrescit. Ignorari enim non potuit, in lucem, antè aliquot annos, emeruisse luctuoso exitu, opus cui titulus est : *Les pouvoirs légitimes du premier & du second Ordre, dans l'administration des Sacremens, & le gouvernement de l'Eglise.* Multiplicis licèt erroris veneno suffusum, adversùs Episcopale, imò Ecclesiasticum quodvis regimen, elaboratum, magnis passim indiscliplinatorum hominum plausibus exceptum fuit. Quantò autem temporibus nostris Pestis hujus aura propior est : tantò impensius ab ejus afflatu *Consultatio* debuit timere sibi, ne hauriret : aliis timere, ne propinaret. Qualem igitur opinionem subire meretur ista *Consultatio* quæ de periculoso hoc genere Sententiam prolatura, de cautione ne minimùm quidem laboravit.

Adversùs hæc omnia remedium suppeditant Censuræ sequentes, ex earum numero decerptæ quas edidit Sacra Facultas, anno 1735, hodièque omnes renovat.

PROPOSITIO.

18. *Le sens exclusif qui donne aux Evêques le droit d'approuver à l'exclusion des Curés, paroît donc étranger au Concile (de Trente) & si étranger, à mon jugement, qu'on ne peut l'admettre, sans..... que le Concile tombe dans une contradiction constante avec lui-même.*

19. *Le Concile (de Trente) bien entendu, est plus favorable sur l'article de l'approbation aux Curés, qu'aux Evêques.*

CENSURA.

Hæ propositiones falsæ sunt, temerè assertæ, Decretum Concilii perversè interpretantur, & ejus menti manifestè repugnant.

PROPOSITIO.

20. *Le droit d'approuver les Confesseurs, n'est point dévolu aux Evêques, à l'exclusion des Curés, par aucune loi de l'Eglise.*

CENSURA.

Hæc propositio falsa est, & de juribus Episcoporum detrahit.

PROPOSITIO.

6. *La juridiction & l'approbation ne sont qu'accessaires, & de discipline.*

7. *Les loix de la juridiction & de l'approbation sont des loix de pure police.*

CENSURA.

Hæ propositiones, quatenus asserunt jurisdictionem in foro

Pœnitentiæ ad puram politiam & disciplinam pertinere, temerariæ sunt & erroneæ.

VI. DECLARAT Sacra Facultas, à se alia silentio præteriri, quæ in *Consultatione* non absunt à vitio. Sed necessarium operæ pretium se facturam non esse judicavit, si post excisos errorum stipites, amputandis etiam singulorum ramis immoraretur.

Utinam autem quidquid rursarum ex inducto Sacre Facultatis falso nomine efferbuit, hâc sincerâ mentis ejus evulgatâ Declaratione conquiescat.

De Scriptis verò tribus, quorum duo Sacre Facultati, dum *Consultatio* expendebatur, oblata sunt à D. Decano & M. Billette; tertium ab illis denuntiatur: idest, de duobus Memorialibus libellis qui gallicè inscribuntur *Mémoire à consulter*, quorum unus his verbis incipit: *Des Curés de la Ville de Cahors ont envoyé, &c.* alter his verbis: *Le Sieur Joseph Xaupi &c.*; & de folio manuscripto cui impositus est hic titulus: *Affertions du Chapitre de Cahors*, quinque sequentibus propositionibus comprehenso.

I.

..... « L'origine chimérique des Curés..... leur » institution prétendue divine. »

II.

« Les Curés, s'ils représentent les soixante-douze Disciples, » ont reçu leur mission, & les pouvoirs attachés à cette » mission, des successeurs des Apôtres & non de Dieu im- » médiatement. »

III.

« Attribuer aux Curés une mission toute divine..... » C'est l'ouvrage d'un Ecrivain peu judicieux, entêté de ses » idées, & trop prévenu de son état. »

I V.

» Les Fonctions des Curés n'ont d'autre étendue que
 » celle qu'il plaît aux Evêques de leur donner, & sont né-
 » cessairement circonscrites dans les bornes qu'il leur plaît
 » de fixer. N'est-ce donc pas une témérité de donner pour
 » une maxime nationale la divinité d'une institution, qui
 » n'est qu'une simple délégation que fait l'Evêque, avec des
 » réserves. »

V.

« L'Evêque étant la source de la juridiction, les Curés
 » qui tiennent de lui leur mission & leur autorité, lui sont
 » subordonnés, & n'agissent que comme ses subdélégués. C'est
 » donc de l'Evêque qu'ils tiennent leur juridiction, & non
 » pas de Dieu. Tout Evêque établi pour gouverner son
 » Diocèse, a, lui seul, toute l'autorité Pastorale, sans qu'aucun
 » Ecclésiastique puisse s'en approprier une partie, ni l'exercer
 » sur les fidèles, sans son consentement & son approbation. »

De his tribus Scriptis sic paucis censet ac statuit Sacra
 Facultas.

Ex illius doctrinæ capitibus, quam variæ præsentis De-
 clarationis partes exposuerunt, abundè notum compertum-
 que fieri, quid vituperatione dignum, * aut culpâ liberum

* Pag. 23 primi Memorialis singulare quoddam erratum occurrit in
 versione Gallica juramenti à Baccalaureis & Doctoribus noviter laurea
 donandis præstandi, juxta statuta Sacræ Facultatis. Quòd juramentum sic
 latino idiomate exprimitur.

*Jurabitis quòd tenebitis Articulos Facultatis Parisiensis veros, & illos
 nactâ occasione prædicabitis esse Fidei, & Religioni consentaneos.*

Gallicè verò sic fuit redditum:

contineat ipsa doctrinæ substantia prædictis in Memoria-
libus Libellis exhibita.

Ad causæ Personalis speciem, in iisdem Libellis, præter
verum & æquum pertrahi susceptam à Sacra Facultate
cognitionem de doctrina *Consultationis*. Quandoquidem
hanc doctrinam, in publicum emissam, ex solo verborum
tenore, & obviâ illorum significatione pensavit Sacra
Facultas: nequaquam verò ex interno sensu Authorum,
quorum intentionem ac Personam de nullo prorsus errore
in simulavit.

Demum inter Assertiones quinque, quas eorum denun-
tatio excerptas dicit è Vindiciis Capituli Cadurcensis ad-
versus Cadurcenses Curatos, Sacræ Facultati neque porrectis,
nec aliter quàm hâc ipsâ denuntiatione notis, quatuor
Assertiones reperiri, quæ, prout in se ipsis sonant, apertè
congruunt cum reprobatis jam pridem à Sacra Facultate
propositionibus.

Similem quoque convenientiam, cum Propositionibus
olim à Sacra Facultate damnatis inesse Assertioni inter quin-
que denuntiatis, ordine tertiæ: Si vocabulum *missionis*,
quo utitur hæc assertio, intelligatur de *institutione*
Curatorum *primaria*, quæ non ab alio quàm à Christo est.

Defens. Declar.
Cleri Gal. parte
III, libr. VIII,
cap. 14.

Nominatim verò in duabus ultimis Assertionibus supra
memoratis, IV. & V, hanc ipsam renovari Doctrinam
quam Anno 1482, die 5^a Februarii, & Anno 1516 die 2^a
Junii, velut *Scandalosam, in fide erroneam, hierarchici ordinis*

Vid. suprà, I
part. hujus De-
clarationis. pag. 6.

*Qu'ils tiendront les articles de la Faculté pour vrais ; & que dans l'occa-
sion ils les prêcheront de foi & conformes à la Religion ;*

Contra manifestam verborum significationem, mentemque Sacræ
Facultatis.

destructivam &c. Sacra Facultas proscripsit, hodieque pari
denuò Censurâ judicat improbandam.

Coe

Wing

folio

o. 2

144

. A 1

v. 8

no. 63

THE NEWBERRY LIBRARY

Lectum & confirmatum in Congregatione Generali, die 11^a
Augusti. Ann. 1772.

De Mandato D. D. Magistrorum Sacrae Facultatis
Parisiensis,

DE BAR, Scriba.

SUBSCRIPTIO AUTHORUM CONSULTATIONIS.

NOS INFRA SCRIPTI, libenti animo subscribimus praesenti
Declarationi Sacrae Facultatis, atque eò libentiùs quòd in
illa dicatur Sacram Facultatem *intentionem & personam*
Authorum Consultationis de nullo prorsus errore insimulare.
Declaramus insuper nos nullam habere voluisse, nec ha-
bere velle Doctrinam ab ipsa Sacrae Facultatis, Almae Matris
nostrae, Doctrina alienam. Datum in aedibus Sacrae Facul-
tatis die septimâ Augusti anno Domini 1772.

XAUPI. BILLETTE.